

Broj: 23-9-11/24

Datum: 10.05.2024. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije o izboru najpovoljnijeg ponuđača, broj: 23-9-9/24 od 07.05.2024. godine, u postupku javne nabavke roba – Klipse za endoskopski klip aplikator, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o izboru najpovoljnijeg ponuđača

Član 1.

Prihvata se Preporuka Komisije o izboru najpovoljnijeg ponuđača, broj: 23-9-9/24 od 07.05.2024. godine i Okvirni sporazum za javnu nabavku – Klipse za endoskopski klip aplikator, dodjeljuje se ponuđaču **TUZLA-FARM d.o.o. Tuzla**, ponuda dostavljena dana 29.04.2024. godine, kao najpovoljnijem ponuđaču, u iznosu od:

- 109.980,00 KM bez uračunatog PDV-a, odnosno 128.676,60 KM sa uračunatim PDV-om.

Član 2.

Postupak iz člana 1. ove Odluke proveden je metodom „otvoreni postupak“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

Član 3.

U postupku nabavke iz člana 1. ove Odluke zaprimljena je 1 (jedna) kvalifikovana ponuda ponuđača:

1. **TUZLA-FARM d.o.o. Tuzla** sa cijenom ponude u iznosu do 109.980,00 KM bez uračunatog PDV-a

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22).

U postupku nabavke iz člana 1. ove Odluke zaprimljene su 2 (dvije) nekvalifikovane ponude ponuđača i to:

1. Medical Partners d.o.o. Tuzla
2. Plus Medical d.o.o. Tuzla

Član 4.
Izabrani ponuđač dužan je dostaviti originale ili ovjerene kopije dokumentacije iz člana 45. Zakona o javnim nabavkama u roku od pet dana od dana prijema Odluke o izboru najpovoljnijeg ponuđača, na protokol Bolnice.

Član 5.
Prijedlog okvirnog sporazuma dostavit će se na potpis izabranom ponuđaču nakon isteka roka od 10 (deset) dana, računajući od dana prijema odluke ugovornog organa o izboru najpovoljnijeg ponuđača.

Član 6.
Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.

Član 7.
Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

Obrazloženje
Postupak javne nabavke pokrenut je Odlukom o pokretanju postupka javne nabavke, broj: 23-9-1/24 od 29.12.2023. godine. Nabavka je sprovedena putem otvorenog postupka, tender JN-156/23.

Procijenjena vrijednost nabavke bez PDV-a je: 110.000,00 KM.

Obavještenje o nabavci, broj: 1125-1-1-67-3-122/24, objavljeno je na Portalu javnih nabavki dana 01.04.2024. godine.
Sažetak Obavještenja o nabavci objavljen je u Službenom Glasniku BiH, broj: 24/24 od 05.04.2024. godine.

Komisija za nabavku, imenovana je Rješenjem, broj: 23-9-2/24 od 29.12.2023. godine.
Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 23-9-8/24 od 07.05.2024. godine, Preporuku o izboru najpovoljnijeg ponuđača broj: 23-9-9/24 od 07.05.2024. godine i Izvještaj o radu, broj: 23-9-10/24 od 07.05.2024. godine, u postupku javne nabavke – Klipse za endoskopski klip aplikator.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku blagovremeno zaprimljene 3 ponude,
- da nije bilo neblagovremeno zaprimljenih ponuda,
- **da je ponuda ponuđača TUZLA-FARM d.o.o. Tuzla kvalifikovana i prihvatljiva**, da su dostavljeni svi traženi dokazi propisani tenderskom dokumentacijom, na propisan način.
- **da se ponuda ponuđača MEDICAL PARTNERS d.o.o. Tuzla odbacuje** u skladu sa odredbama člana 68. stav (4) tačka i) Zakona o javnim nabavkama („Službeni glasnik BiH“, broj 39/14) i člana 2. tačka l) podtačka 2) i 3) Zakona o izmjenama i dopunama Zakona o javnim nabavkama („Službeni glasnik BiH“ broj 59/22) zbog:

U tački 3. Tehnička i profesionalna sposobnost – član 48-51. Zakona na stranici 11. tenderske dokumentacije

□ u uslovima pod tačkom 3. Ugovorni organ je naveo: „Da će rok upotrebe ugovorene robe u vrijeme isporuke biti najmanje 12 mjeseci računajući od dana isporuke ugovorene robe“, dok je u dokazima pod tačkom 3. naveo: „Izjava da će rok upotrebe ugovorene robe u vrijeme isporuke biti najmanje 12 mjeseci računajući od dana isporuke ugovorene robe.“

Ponuđač MEDICAL PARTNERS d.o.o. Tuzla nije dostavio traženu izjavu, stoga se njegova ponuda odbacuje u skladu sa odredbama člana 68. stav (4) tačka i) Zakona o javnim nabavkama („Službeni glasnik BiH“, broj 39/14) i člana 2. tačka 1) podtačka 3) Zakona o izmjenama i dopunama Zakona o javnim nabavkama („Službeni glasnik BiH“ broj 59/22) kao nepravilna, jer nije u skladu sa tenderskom dokumentacijom.

- Ponuđač MEDICAL PARTNERS d.o.o. Tuzla je dostavio uzorak koji ne odgovara klip aplikatoru koji posjeduje ugovorni organ (ispada iz aplikatora). Mišljenje dato od strane krajnjeg korisnika.

U vezi sa naprijed navedenim, odbacuje se ponuda ponuđača MEDICAL PARTNERS d.o.o. Tuzla u skladu sa odredbama člana 68. stav (4) tačka i) Zakona o javnim nabavkama („Službeni glasnik BiH“, broj 39/14) i člana 2. tačka 1) podtačka 2) Zakona o izmjenama i dopunama Zakona o javnim nabavkama („Službeni glasnik BiH“ broj 59/22) kao neprihvatljiva, jer ne ispunjava kriterije za kvalifikaciju privrednog subjekta.

- **da se ponuda ponuđača PLUS MEDICAL d.o.o. Tuzla se odbacuje** u skladu sa odredbama člana 68. stav (4) tačka i) Zakona o javnim nabavkama („Službeni glasnik BiH“, broj 39/14) i člana 2. tačka 1) podtačka 2) Zakona o izmjenama i dopunama Zakona o javnim nabavkama („Službeni glasnik BiH“ broj 59/22) zbog:

Ponuđač PLUS MEDICAL d.o.o. Tuzla je dostavio uzorak koji ne odgovara klip aplikatoru koji posjeduje ugovorni organ (ispada iz aplikatora). Mišljenje dato od strane krajnjeg korisnika.

U vezi sa naprijed navedenim, odbacuje se ponuda ponuđača PLUS MEDICAL d.o.o. Tuzla u skladu sa odredbama člana 68. stav (4) tačka i) Zakona o javnim nabavkama („Službeni glasnik BiH“, broj 39/14) i člana 2. tačka 1) podtačka 2) Zakona o izmjenama i dopunama Zakona o javnim nabavkama („Službeni glasnik BiH“ broj 59/22) kao neprihvatljiva, jer ne ispunjava kriterije za kvalifikaciju privrednog subjekta.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije. U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač zbog najniže cijene.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.
Žalba se podnosi u najmanje 3 (tri) primjerka.

Pripremila:
Amira Petrović, BA općeg prava, šef Odsjeka za javne nabavke



Dostaviti:

- Ponuđaču: **MEDICAL PARTNERS d.o.o. Tuzla, Ul. Paša bunar 28, 75000 Tuzla,**
- Ponuđaču: **TUZLA-FARM d.o.o. Tuzla, ul. Rudarska 71, 75000 Tuzla,**
- Ponuđaču: **PLUS MEDICAL d.o.o. Tuzla, SPO Ušće-Slavinovići Luke C-9, PP3, 75000 Tuzla,**
- Odjeljenje za ekonomsko – finansijske poslove
- Odsjek za javne nabavke
- Bolnička apoteka